

LACHRYMABILE
FVNVS
HEBENSTREITIAE,
NATAE
IVNIAE,
OPTIMO MARITO, NOBILISSIMAE GENTI,
AMICIS OMNIBVS,
DESIDERATISSIMAE,
NVPER PRIVATIM, NVNC PVBLICE,
LVGET
F. O. MENCKENIVS.

LIPSIÆ,
LITTERIS BITTORFFIANIS.
MDCCLXXXIX.



Kam Tu, qui, Superos habens amicos,
Vivebas bene nuper ac beate,
Sicut vivere suavitas et ipsa
Divorum, celebrata tot poëtis,

Tincta nectare, tincta melle, vita est,
Sicut vivere nos in hoc misellae
Vitae curriculo velimus omnes,
Qui curis vacuos dies molestis,
Et noctes placidas et invidendas,
Ducebas, metuens nihil futuri,
Spernens Attalicas opes, et alta
Regum limina negligens potentum,
Cuius gaudia, finienda nunquam,
Si quid nempe piaec preces valebant,
Nos, quoscunque tuos habes sodales,
O dignissime praemiis Deorum,
Lacti vidimus atque gratulantes,
Iam coecas tenebras, nigrasque noctes,
Te circum, miserabilesque luctus,
Horroresque malos, vides, et iras
Tristes, insatiabiles, Deorum,
Incedisque gemens, tremens, et umbrae
Exsanguis similis, nihil prioris
Vultu lactitiae ferens, sed atros
Squalores, tetrici notas doloris,
Signatos oculis gerens et ore,
Heu! clamas, nimis, heu! nimis cruentum
Inflictum mihi vulnus est, meaeque
Heu! dulcissima portio salutis,
Et vitae periit comes, IOANNA,
Illa delictum meum, IOANNA,
Illa pars animae meae, IOANNA,
Illa foemine decus venustum,
Et splendor rutilans, honorque, sexus,
Illa nobilium trium Sororum
Princeps stellula, praemicans corona,
Qua non castior ulla puriorque,
Nulla mitior elegantiorque,

Non ornatior ulla, cultiorque
Virtutis niveae, probae, pudicae,
Dignae laureolis, nitore pulchro,
Nulla carior omnibus, suoque
Nulla denique gratior marito.
Sic Te iam video (sed o videre
Non talem mihi contigisset unquam!)
Tecum praeteritos dolere casus,
Casus omnibus asperis et atris,
Quotquot sunt et erunt, acerbiores,
Et longas iterare flebilesque,
Cum singultibus anxiis, tremendos
Flexuris Superos parum, querelas,
Amissumque tori decus iugalis,
Orbatosque sua pios penates
Dilecta domina, et sua tenellam,
Quae vitam dederat, parente prolem,
Et, quod pectore mordeat sub imo,
Raptam nunc manibus tuis, et ulnis,
Et dulci gremio, tuam IOANNAM,
Noctes arque dies sonare totos.
Sic lugens tua fata, frigidamque,
Ipse frigidior, sedens ad urnam,
Tu clausos lachrymis rigas ocellos,
Pallentesque tuae genas amicae,
Praebens oscula mille non daturis
Unquam mutua, mortuis, labellis,
Infauti bene consciis amoris.
Et lugens merito, nec exprobrandas
Effundis lachrymas, pius, fidelis,
Ter quaterque miser, tui venusta
Nudatus focia tori, molestum
Damnatus sterilis, malae, nefandae,
Solitudinis ad iugum, brevesque
Vitae delicias diu manente
Mutatas gemitu videns, maritus.
Id nosti bene, nosque scimus omnes,
Quos iusti focios habes doloris,

Quam Te prae reliquis suis alumnis
 Felicem Philuraca, quam beatum,
 Olim iusserit esse, cum, suarum
 Quae lectissima sola filiarum,
 Et qua non genuit nec educauit
 Toto corpore gratiosorem,
 Et qua non habuit placentiorem,
 Et blandam magis, et magis modestam,
 Iucundamque magis, viroque tali,
 Qualem nempe tulit deinde, dignam,
 Amplexus dedit in tuos, et uni
 Addixit propriam Tibi, IOANNAM.
 Non sic floriferis stat in viretis,
 Inter gramina mille, mille flores,
 His formosior omnibus, comasque
 Molli fronte gerens rubentiores,
 Illa purpureo placens colore,
 Fragrantique suo placens odore,
 Hortorum, rosa, laus honorque princeps;
 Non sic arboreo superba regno.
 Dat gratum decus, et nemus paternum
 Casto nobilitat vigore, myrtus,
 Tollens se frutices super minores,
 Et baccas generans magis saporas:
 Vt se candidulae nitore frontis,
 Et virtute suum decente sexum,
 Et morum niueo pudore, dudum,
 Tot comtas super extulit superque,
 Quot laudat Philyre, IOANNA Nymphas.
 Hanc olim, lateri suo ligatam,
 Et casti sociam, tenere, lecti,
 Coelesti fuit illa par voluptas;
 Hanc sed tam cito perdidisse, vita
 Est hac tristior acgriorque nulla,
 Aut, si, viuere pessime, reapse
 Non est viuere, vera nempe mors est.

